

14

Louis XIII

1613

173

3400

LETTRES

PATENTES

ET

DECLARATION

DV ROY CONTRE

MONSIEVR LE PRINCE,

&c. enuoyée à Nosseigneurs

de la Cour de Parlement.

M. DC. XV.

*16 pp
coll. m. l.*

512

11

THE
PATENT

OFFICE
OF THE
COMMISSIONER
OF PATENTS

WASHINGTON
D. C.

1883

DECLARATION DV Roy contre Monsieur le Prin- ce de Condé, &c. enuoyée à Nosseigneurs de Parlement.

LOVYS &c. Dieu nous ayât voulu faire suc-
ceder à cete Courōne, en vn âge encor foi-
ble, & en vn mesme instant la Reine nostre
tres-honorée Dame & mere, ayant par l'ad-
uis des Princes de nostre sang, autres Princes
Ducs, Pairs, Officiers de la Couronne, &
par le general consentement de nos cours sou-
ueraines, esté admise à la Regence & conduitte
d'iceluy, nostre premier & principal soing
en ce grand estonnement, où l'on se trouuoit
à cause du funeste accident du feu Roy, Henry
le Grand, nostre tres-honoré Sieur & Pere de
glorieuse memoire, fut de reconcilier toutes
les diuisions, rancunes, & mal-veillances qui
pouuoient estre lors entre nos subjects, affin
de les faire conspirer vnanimement, & par vn
mesme dessein, à la manutention de la paix,
repos, & tranquillité, auquel ce Royaume se
trouuoit lors, & parce que nous recognoissons
combien l'assistance des Princes de nostre sang
nous y pouuoit estre vtile, nous prîmes soing
en ce mesme temps de rappeler & faire reue-
nir nostre Cousin le Prince de Condé, qui se
trouuoit esloigné hors cedit Royaume, & par-
my les estrangers, esperans qu'estant près de

nous, & y tenant le rang & le lieu que sa naissance & sa qualité luy donnent, nous pouuions tant plus facilement & heureusement conduire les affaires de nostre-dit Royaume, mais si d'une part nos intentions nous succederent tres-heureusement, ayât par la bonne assistance qui fut donnée à nostre-dite Dame & Mere, & à nous, par la pluspart desdits Princes, Officiers de la Couronne, & principaux Seigneurs de cet estat, conserué la paix qui estoit lors dans iceluy, elles n'eurent pas le mesme succez de la part de nostre-dit Cousin, tant au lieu de recevoir de luy la bonne assistance que nous attendions, & à laquelle il estoit particulierement obligé, tât par la proximité du sang d'oit il nous arrouche, & le particulier interest qu'il a à la conseruation de ce Royaume, comme aussi par le soing que nous auions voulu prendre de son retour, & par les dons & bien faicts que nous luy auions largement departis a son arrivée prés de nous, il commença deslors de practiquer & tramer des factions & menées parmi tous nos subjects, tant Catholiques que de la religion pretendue reformée, & sonder les intentions des vns & des autres pour essayer de leur donner des impressions & subjects de mécontentemens qui les portassent à quelque souléuement en sa faueur; & contre nostre autorité: A quoy; apres auoir longuement travaillé, il se seroit par plusieurs fois esloigné & absenté de nous sous diuers pretextes, pour recognoistre s'il seroit suiuy & assisté en ses

mauuaifes intentions: Mais comme il ne trou-
 uoit sa parrie assez forte pour émouuoir les
 troubles qu'il desiroit susciter, il se laissoit ai-
 sément ramener par la consideration de son in-
 terest & profit particulier, & des auantages &
 gratifications excessiues que nous luy auions
 faits, & à ceux qui nous estoient recomman-
 dez par luy, enquoy nous jugions ne deuoir
 rien épargner pour le ranger par la douceur à
 son deuoir, & éuiter par ce moyen la ruyne &
 desolation que nos subjects eussent receu
 procedans par autre voye. Mais comme sa
 mauuaise volonté ne cessoit qu'autant qu'il
 voyoit ne la pouuoit mettre à execution, il e-
 stima au commencement de l'année dernie-
 re, auoir trouué vn fondement plus certain de
 paruenir à ses desseins de se retirer d'aupres de
 nous, & ayant enmené avec luy quelques Prin-
 ces & Seigneurs, avec lesquels sous des con-
 siderations foibles & legeres, il s'y porta ius-
 ques à prendre ouuertement les armes, deli-
 uer commissions, & se saisir d'aucunes de nos
 villes: à quoy au lieu d'opposer les forces que
 nous auions en main assez puissantes pour luy
 faire ressentir le mal que luy pouuoit apporter
 la remerité de ses entreprises, nous resolumes
 encores avec l'aduis de nostre dicte Dame &
 Mere & des Princes & Seigneurs qui nous assi-
 stoient, d'y porter les remedes que nostre dou-
 ceur & clemence nous suggereroient: & apres
 auoir enuoyé vers luy, & apprins ce qu'il auoit
 à proposer & demander, nous estimames qu'il

estoit plus expediant pour le bien & repos de nos subjects, d'oublier les fautes qu'il auoit en cela commises contre nous, & le contenter sur ce qui estoit de ses intereſts & auantages particuliers, que d'en venir à d'autres extremittez, dont suiuit le traicté qui fut fait a Saincte Manehoud, dans lequel pour couvrir ceste menée d'armes de quelque pretexte specieux, ayant fait demander d'une Assemblée generale des Estats de ce Royaume, nous la consentismes d'autant plus volontiers que quelques mois auparauant par l'aduis de nostre-dicte Dame & Mere, & desdits Princes & Seigneurs qui estoient pres de nous, nous auions desia fait ſçauoir aux Gouverneurs & à nos Lieutenans Generaux, & de nos Prouinces & Cours Souueraines, que le desir de nostredicte Dame & Mere, estoit de faire ceste assemblée lors que nous commencerions à entrer en nostre Majorité; de laquelle nous approchions, tellement que deslors nous nous resolumes d'en faire la conuocation en la forme accoustumée, mais l'effect en fut retardé par les nouueaux deportemens de nostredict Cousin: lequel au lieu de se metre en son deuoir & se rendre pres de nous comme il estoit obligé, commença aussi tost que ledit traicté fut effectué, & qu'il eut receu en suite d'iceluy tout le contentement qu'il pouuoit desirer, a dresser de nouuelles pratiques, tant dedans que dehors le Royaume: Ayant en ce mesme instant despesché en Angleterre, Hollande, & autres lieux,

pour en y delciant le gouvernement & conduite de nos affaires, essaye d'y former des associations & intelligences contre nostre autorité & seruice, incontinent apres s'acheminer en nostre prouince de Poictou, où il suscita encores de nouuelles factions & menées, mesmes parmy les habitans de nostre ville de Poictiers, dont il auoit eu dessein de se rendre maistre, & à quoy il eust peu paruenir si la diligence d'aucuns d'entr'eux n'y eust remedié, continuant neantmoins de se tenir tousiours aux enuirons d'icelle avec des troupes & gens de guerre dont il se faisoit en cores assister, où il faisoit de grands dégasts & désordres, & tenoit lesdits habitans en continuelle crainte & ombrage, au mespris de nostre autorité, & qui nous donna sujet de nous y acheminer en personne pour l'en faire retirer & pouruoir a la sureté & conseruation de ladite ville, ainsi que nous fismes tres heureusement, & aussi tost que nous eusmes donné ordre aux affaires qui nous auoient obligé a faire ledit voyage, nous ne voulans tesmoigner à l'endroit de nostre-dit Cousin aucun resentiment de ses desordres nouueaux, nous nous rendismes en nostre bonne ville de Paris, où apres auoir fait à nostre Cour de Parlement la declaration de nostre maiorité, nous fismes l'ouuerture desdicts Estats Generaux que nous y auions assignez, mais nostre-dit Cousin mesconnoissant des graces bien faicts & fauorable traitement qu'il auoit receu de nous, & des

obligations qu'il nous auoit au lieu de prendre soin avecques nous de faire reussir ceste assemblee Generale de nostre Royaume, il trouua continualement pour desbaucher & alterer les affections de ceux qui estoient deputez en icelle, & essayer de les porter a quelques demandes & instances qui fussent preiudiciables a nostre autorité & au repos de nosdicts subjects, & recognoissant qu'il n'y pouuoit paruenir à son contentement, ayant rencontré la plus grande partie desdicts Deputez entierement porter au bien, il trouua à semer vne diuision entre le corps desdicts Estats, & nostre Cour de Parlement à Paris par le moyen de laquelle apres la closture desdicts Estats, & par la continuation en diuers lieux de ses pratiques & factions ordinaires, il auroit tellement trauersé le soin que nous prenions de faire traualler à la responce des cayers qui auoient esté presentez par ladite assemblee que nous n'auons iusques a present encores peu faire ressentir à tous nos subjects, combien nous desirions les contenter sur les instances qu'ils nous ont faites par iceux, mais nostre dit Cousin voyant que toutes les menees ne reussissent pas encores au point qu'il desiroit, il se seroit derechef resolu de se esloigner & absenter de nous avec quelques Princes & Officiers de nostre Couronne, nous ayant en ceste derniere retraite fait cognoistre plus clairement & ouuertement que auparauant ses

mauuais

mauuaifes intentions, car comme nous auons
 tousiours eue le mesme dessein & desir de con-
 seruer auant qu'il nous est possible la paix
 & tranquillité de cest Estar, pour euites les
 maux que la guerre & desordres apporteroit,
 ayant alors enuoyé vers luy aucuns de nos
 plus confidens & principaux seruiteurs pour
 le conuier de reuenir & nous rapporter les
 subjects qu'il pouuoit prendre de son esloi-
 gnement sur lesquels s'estant ouuert & luy
 ayant depuis fait cognoistre que nostre inten-
 tion estoit toute portee a effectuer à ce qu'il
 pouuoit desirer de nous pour la conduite
 des affaires, bien & auancement de ce Roy-
 aume en telle sorte qu'il ne luy restoit au-
 cun valable fondement pour s'esloigner de
 son deuoir, & comme nous nous voyons
 pressé de partir pour faire nostre voyage de
 Guyenne pour l'accomplissement des ma-
 riages qui auoient esté contractez avec l'ad-
 uis de luy & de tous les autres Princes de
 nostre sang, Pairs & Officiers de la Couron-
 ne, & principaux Seigneurs de nostre Con-
 seil, luy ayant fait scauoir le iour auquel
 nous estions contraint de partir pour nous
 rendre à Bourdeaux au temps que nous a-
 uions assigné pour ce sujet, & luy ayant
 derechef fait faire instance de nostre part de
 nous venir accompagner pour prendre pres
 de nous le rang & fonction que sa naissan-
 ce & qualité luy donnent, ce fut alors qu'il
 ne peut plus cacher la mauuaise intention

qu'il auoit tousiours couuée contre nostre autorité & seruice, & qu'il fit assez cognoistre qu'il estoit plustost porté à ses interests & demandes particuliers, qu'à ce qui pouuoit concerner le bien public, & prenant pour pretexte la precipitation qu'il dit estre de nostre dit voyage, il nous refusa absolument de nous y accompagner, tellement que nous fusmes obligez par le soin que nous deuions auoir de la conseruation & repos de nosdicts subjects, de mettre sus quelques gens de guerre, pour pendant nostre esloignement prendre soin de la sureté de nos villes avec intentions n'onobstant sa desobeissance de ne exploiter, & n'entreprendre aucune chose contre luy, & ceux qui l'assistoient s'ils se contenoient en repos, & dans le respect qu'ils debuoir a nostre autorité & seruice, mais tant s'en faut qu'il en soit demeuré là, que peu de iours apres il publia vn manifeste scandaleux, & tendant a sedition, & trouble generale de nos subjects, & non content de ce, à fait & escrit en diuers endroits plusieurs lettres, par lesquelles il publie se vouloir armer pour s'opposer à nostre dit voyage, & pour faire pouruoir a la reformation des abus & maluersations qu'il dit estre glisees dans le Royaume qui est le pretexte specieux, duquel se sont ordinairement seruis ceux qui ont voulu secouer le ioug d'obeissance, a laquelle la nature les auoit obligez enuers leurs Princes souuerains,

& en suite de ce il auroit enuoyé en diuers Prouinces de ce Royaume plusieurs Commissions en perchemin & en papier signees de luy, & contre-signees de ses Secretaires, & cachetees du cachet de ses armes, par lesquelles il donne pouuoir de mettre sus de gens de guerre a pied & a cheual, de prendre & de saisir sous son autorité & commandement nos villes & places, y establir Gouverneurs pour y commander, donne pouuoir de prendre & saisir les deniers de nos receptes, & prendre nos subjects qui n'adherent a ses mauuaises intensions, prisonniers, aduouë toutes actions qui seront faictes en execution de ce, contraindre les habitans de nos villes qu'il estime nous estre plus affectionnez de sortir d'icelles, & les autres d'y receuoir garnisons sous son autorité, met troupes & gens de guerre, & fait cōduire canon en campagne, & commet tous actes d'hostillité, rebellion, & des-obeyssance, ne faisant paroistre autre marque de ceste reformation, dont il fait son pretexte, que la misere, ruyne, & desolation de nos Prouinces, & les clameurs, souspirs, & larmes, de nostre pauvre peuple, qui sans ces mouuemens seroit en paix & en repos, en effect il ne laisse plus rien en arriere pour faire notoirement cognoistre iusques où se porte son ambition & mauuaise volonté enuers nous, & nostre Estat. Or comme ainsi soit, qu'apres auoir supporté avec toute la patience qu'il nous a esté possi-

ble, tous les fufdits deportemens nous ferons en fin contraint, à nostre grand regret, & contre nostre humeur & inclination, d'y remedier par les moyens que Dieu nous à mis en main, voulans aussi empescher que tous nos bons subjets ne soient surprins aux praticques, pretextes, & seditions, dont vſe nostre dit Cousin, & sur lesquels il fait son principal fondement, desirans que nostre volonté & intention soit sur ce cogneue. Sçauoir failons qu'apres auoir mis cét affaire en deliberation en nostre Conseil, où estoit la Reyne nostre-ditte Dame, & Mere, aucuns Princes & Officiers de nostre Couronne, & autres principaux Officiers de nostre Conseil, de l'aduis d'iceluy nous auons dit & déclaré, disons & declarons par ces presentes, signées de nostre main, nostre dit Cousin, ensemble les Princes, Officiers de la Couronne, & tous ceux qui l'assistent & adherent à ses desseins, descheuz de tous hōneurs, estats, offices, pouuoirs, gouuernemens, charges, pensions, priuileges, & prerogatiue, qu'ils ont de nous, où de nos Roys nos predecesseurs, & les auons reuouqués & les reuouquons dès à present, declarans nostre dit Cousin le Prince de Condé & tous les adherans des obceſſans, rebelles, & criminels de leze-Majesté, & comme tels voulons qu'il soit procedé contr'eux, tant en leurs personnes que biens, memoire & posterité, ensemble contre tous ceux qui l'assistent, & fauorisent directement où indirectement, mandons à tous les Mareschaux de

France, Gouverneurs & Lieutenans generaux de nos Prouinces, Cappitaines, Chefs, & conducteurs de nos gens de guerre de leur courrir sus, & à tous les Officiers, Maires, Consuls, Escheuins de nos Villes, de se saisir de leurs personnes, s'ils se trouuent en icelles, pour les mettre en nos mains, & les poursuiure par toutes les voyes & rigueurs des ordonnances faites sur semblables crimes, sauf neanmoins si dans vn mois apres la publication qui lera faite des presentes en nostre Cour de Parlement, nostre-dit Cousin & ceux qui l'auront assisté ne recognoissent leurs fautes & nous viennent trouuer, où enuoyer vers nous pour s'acquitter effectuellement de ce qui est de leur debuoir en nostre endroit, & pour le regard des Gentils-hommes, & autres subjects particuliers, s'ils ne se presentent dans ledict temps aux sieges de nos Bailliages & Seneschaussées, pour en faire declaration & protestation, enregistrée dans le greffe d'iceux, & ne se departent entierement de toutes actions & entreprises contraires à nostre autorité & seruice, auquel cas nostre-dit Cousin le Prince de Condé, & tous autres, pourront tousiours attendre de nostre bonté & clemence, le traictement que meritent leur prompte obeissance, & donnons en mandement à nos amez & feaux les gens tenans nos Cours de Parlemeans, Baillifs, Seneschaux, où leurs Lieutenans, & tous autres Officiers qu'il appartiendra, chacun endroit soy, que ces

presentes ils enregistrent, & fassent enregister, garder, & observer, selon leur forme & teneur, & à nos Procureurs generaux desdites Cours, faire toutes poursuittes & diligences pour l'execution d'icelles, & à faire punir & chastier tous ceux qui y contreviendront. Car tel est nostre plaisir. En tesmoing dequoy nous auons fait mettre nostre sceel à ces presentes. Donné à Poictiers au mois de Septembre, l'an de grace, mil six cens quinze. Et de nostre regne le sixiesme.

Signé,

L o v y s.

Et plus bas,

DELOMENIE.

ARREST DE LA COUR
DE PARLEMENT, DV
18. de Sept. 1615. interuenu
sur les Lettres de declaration
du Roy, données le mesme
mois.

LA Cour, toutes les Chambres assemblées, delibérât sur les Lettres patentes du Roy, données à Poictiers au mois de Septembre, portants declaration de sa volonté, cōtre ceux qui depuis peu de temps ont pris & leué les armes sans la permission, ouy le Procureur general, A arresté que le Roy sera aduertty par Lettres qui luy seront escrites, des causes & considerations tres-importantes à son seruice, pour lesquelles ladiète Cour n'a peu proceder à la publication & enregistrement desdictes Lettres : Et neantmoins pour arrester le cours des mouuements, & contenir les subjects en leur deuoir & obeissance, a fait & fait deffences à toutes personnes, de quelque qualité & condition qu'ils soient, de prendre les armes, faire assemblées & leuées de gens de guerre, pour quelque cause, & sous quelque pretexte que ce soit, sans mandement & commission du Roy : Enioint à tous Princes, Officiers de la Couronne, Seigneurs, Gentils-hommes, & au-

tres, qui ont leué les armes sans commission du Roy, les poser, & se retirer; sçauoir les Princes & Officiers de la Couronne pres la personne du Roy pour le seruir, ainsi qu'il leur sera commadé; & tous Seigneurs & Gentils-hommes, & autres, en leurs maisons, dans vn mois pour tous delais; & à faute de ce faire, sera procedé contre eux comme criminels de leze Majesté, perturbateurs du repos public, suivant la rigueur des Ordonnances: Ordonne qu'à la diligence du Procureur general le present Arrest sera publié par tous les Bailliages, Seneschaussées, & Sieges de ce ressort.

